



ՆԵՐՔԻՆ ԹԵՄԵՐԻ ԽՈՐՀՐԴԱԿՑԱԿԱՆ ԺՈՂՈՎԸ ՄԱՅՐ ԱԹՈՌՈՒՄ

Մայր Աթոռում, վերջին մի քանի տարիների ընթացքում, ավանդութուն է դարձել մարտ ամսում հրավիրել ներքին թեմերի առաջնորդների, թեմական և եկեղեցական խորհուրդների ժողով, տնտեսական ընթացիկ տարվա առթիվ:

Այս տարի էլ, մարտի 23—24-ին, չորեքշաբթի և հինգշաբթի օրերին, Վեհափառ Հայրապետի բարձր նախագահության տակ, Մայր Աթոռում գումարվեց ներքին թեմերի խորհրդակցական ժողովը, որին մասնակցում էին՝

1. Մայր Աթոռից՝ Գերագույն Հոգևոր Խորհուրդը, վերստուգիչ հանձնաժողովը, Մայր Աթոռի միաբանութունը, «էջմիածին» ամսագրի խմբագրական կազմը, Մայր Աթոռի ֆինանսական և տնտեսական բաժինների ղեկավարները, դիվանապետը, գլխավոր ճարտարապետը, Հոգևոր Ճեմարանի դասախոսական կազմը:

2. Արաբադյան թեմից՝ առաջնորդական փոխանորդ գերաշնորհ Տ. Վահան եպիսկոպոսը, թեմական խորհրդի անդամներ արժանապատիվ Տ. Սարգիս քահանա Անդրեասյանը, Սուրեն Արևշատյանը, Զավեն Աղասյանը, Պարգե Շահբազյանը, արժանապատիվ Տ. Կոմիտաս քահանա Շիրինյանը և

Գեղարդի վանքի վանահայր արժանապատիվ Տ. Վաղարշակ քահանա Բղումյանը:

3. Շիրակի թեմից՝ թեմակալ առաջնորդ գերաշնորհ Տ. Մաշտոց եպիսկոպոսը, թեմական խորհրդի անդամներ արժանապատիվ Տ. Արամ քահանա Բոյաջյանը, արժանապատիվ Տ. Վազգեն քահանա Ղարազյուլյանը (Կիրովական), Գրիգոր Էդիլյանը:

4. Վրաստանի հայոց թեմից՝ թեմակալ առաջնորդ գերաշնորհ Տ. Կոմիտաս եպիսկոպոսը, թեմական խորհրդի անդամներ արժանապատիվ Տ. Վարդան քահանա Թադեոսյանը, գրող Սուրեն Ավչյանը, Գ. Դուրգարյանը, Սամվել Թադևոսյանը, արժանապատիվ Տ. Հովհաննես քահանա Դանիելյանը (Ախալցխա), հոգեշնորհ Տ. Խորեն վարդապետ Էլշուլյանը (Ախալքալախ):

5. Ադրբեջանի հայոց թեմից՝ թեմակալ առաջնորդ գերաշնորհ Տ. Հուսիկ եպիսկոպոսը, թեմականի անդամներ Անդրանիկ Կահրամանյանը, Սարգիս Բաղդասարյանը և Արշավիր Տեր-Պետրոսյանը (Կիրովաբադ):

6. Ռուսաստանի և Հյուսիսային Կովկասի հայոց թեմից՝ թեմակալ առաջնորդ գերաշնորհ Տ. Պարգե եպիսկոպոսը, թեմական խորհրդի անդամներ Զաբար Ասատրյանը



ՎԵՀԱՓԱՌ ՀԱԹՐԱՊԵՏԸ ԵՐԶԱՊԱՏՎԱԾ ԳԵՐԱԳՈՒԹՅՆ ՀՈԳԵՎՈՐ ԽՈՐՀՐԴԻ ԱՆԴԱՄՆԵՐՈՎ, ՄԱՅՐ ԱԹՈՌԻ ՄԻԱԲԱՆՈՒԹՅԱՄԲ ԵՎ ՆԵՐՔԻՆ ԹԵՄԵՐԻ ՊԱՏԳԱՄԱՎՈՐՆԵՐՈՎ:

(Մոսկվա), Եղիազար Բաբայանը (Ռոստով), Սարգիս Մելքումյանը (Օրջոնիկիձե)։

Մարտի 23-ին, շորեքշաբթի առավոտյան ժամը 8.30-ին, թեմակալ առաջնորդներն ու պատգամավորները և խորհրդակցության բոլոր մասնակիցները Մայր Տաճարում ներկա եղան Արևագալի արարողության։

Հանդիսավոր ժամերգության նախագահում էր Վեհափառ Հայրապետը։

Ժամը 11-ին, Վեհարանում, Հայոց Հայրապետը բարեհաճեց ըստ թեմերի ընդունել առաջնորդներին և թեմական խորհրդի անդամներին՝ զրուցելու համար թեմերի ներքին եկեղեցական, վարչական, տնտեսական և այլ հարցերի շուրջ։

Առավոտյան ժամը 11-ից մինչև հետմիջօրեի ժամը 3-ը տեղի ունեցավ թեմերի 1965 թվականի բյուջեի կատարողականի և 1966 թվականի նոր բյուջեի նախահաշիվների առանձին-առանձին քննությունը։

Երեկոյան ժամը 6-ին, Մայր Տաճարում, Վեհափառ Հայրապետի նախագահությամբ, պաշտվեց «Խաղաղական»-ի և «Եկեղեցի»-ի հանդիսավոր ժամերգությունը, որին ներկա եղան նաև թեմակալ առաջնորդները, Մայր Աթոռի միաբանությունը, թեմական խորհուրդների անդամները և ժողովի բոլոր մասնակիցները։

Արարողության ընթացքում լուսարարապետ գերաշնորհ Տ. Հուսիկ եպիսկոպոսը բարոյեց «Տէր, բազումք են նեղիչք իմ» բնաբանով, ծանրանալով մեծ պահքի խորհրդի վրա և շեշտելով աղոթքի և ապաշխարության կարևորությունը։ Քարոզի վերջում Տ. Հուսիկ եպիսկոպոսը, հանուն Հայոց Հայրապետի, ողջունեց Մայր Աթոռ ժամանած թեմակալ առաջնորդներին, թեմական խորհրդի անդամներին և ժողովի բոլոր մասնակիցներին։

Երեկոյան ժամը 8-ին, Վեհափառ Հայրապետի բարձր նախագահության տակ, Վեհարանում, գումարվեց ներքին թեմերի խորհրդակցական ժողովի առաջին նիստը։

Ժողովը բացվեց Վեհափառ Հայրապետի աղոթքով։ Նորին Ս. Օծությունը ջերմորեն ողջունելով բոլոր եկեղեցական և աշխարհական պատգամավորների ներկայությունը,

հաջողություն մաղթեց ժողովի աշխատանքներին։

Այնուհետև Վեհափառ Հայրապետը պրուցի ձևով ժողովականներին ծանոթացրեց ներքին և Սփյուռքի թեմերի եկեղեցական կյանքին կապված կարևոր հարցերին։

Ջրույցը, որ տեեց մոտ երկու ժամ, անցավ շատ հուզիչ և ոգևորիչ մթնոլորտում։

Մարտի 2-ին, հինգշաբթի, առավոտյան ժամը 11-ին, Վեհափառ Հայրապետը բարեհաճեց լուսանկարվել պատգամավորների և Մայր Աթոռի բոլոր աշխատավորների հետ։

Ժամը 12-ին, Վեհարանում, նորին Ս. Օծության նախագահության տակ, գումարվեց ժողովի երկրորդ նիստը։

Վեհափառ Հայրապետը «Հոգևոց» արտասանեց հանգուցյալ գերաշնորհ Տ. Սահակ արքեպիսկոպոս Տեր-Հովհաննիսյանի և Վրաստանի հայոց թեմական խորհրդի անդամ, հանգուցյալ հնդիր Դիլաբյանի հիշատակին։

Այնուհետև Մայր Աթոռի ֆինանսական բաժնի վարիչ և գլխավոր հաշվապահ Գառնիկ Քեչայանը ժողովին ներկայացրեց, ըստ թեմերի և զուլխ առ զուլխ, 1965 թվականի Մայր Աթոռի և ներքին թեմերի բյուջեների կատարողականը և 1966 թվականի նոր բյուջեների նախահաշիվները։

Կատարողականի և նոր բյուջեի նախահաշիվների շուրջ կատարվեց մտքերի փոխանակություն, որին մասնակցեցին առաջնորդները, թեմական խորհուրդների անդամներ և ներկաներից շատերը։

Յուրաքանչյուր թեմի կատարողականի քննարկումից հետո, Վեհափառ Հայրապետը ամփոփեց արդյունքները, հայտնելով իր գոհունակությունն ու օրհնությունը թեմում կատարված տնտեսական աշխատանքների բարի արդյունքների և կանոնավորության մասին, անելով նաև մի շարք կարևոր դիտողություններ հաջորդ տնտեսական նոր տարվա առթիվ։

Ժամը 3-ին, ներքին թեմերի խորհրդակցական ժողովն ավարտեց իր աշխատանքները։

Ժողովը փակվեց միաբերան երգված տերունական աղոթքով և Վեհափառ Հայրապետի օրհնությամբ։

Ժամը 3.30-ին, Վեհարանի սեղանատանը, նորին Ս. Օծությունը բարեհաճեց իրեն սեղանակից դարձնել թեմակալ առաջնորդներին, թեմական և եկեղեցական խորհուրդների անդամներին, Մայր Աթոռի միաբաններին և բոլոր ժողովականներին, շուրջ 55 հոգու:

Սեղանների շուրջ ստեղծվեց վանական ջերմ մթնոլորտ: Բաժակներ առաջարկվեցին Մայր Աթոռ Ս. Էջմիածնի անսասանության համար, Հայոց Հայրապետի կենաց և Հայ եկեղեցու պայծառության համար:

Ելույթ ունեցան Ս. Կոմիտաս, Ս. Պարգև եպիսկոպոսները, Ս. Ներսես, Ս. Արսեն, Ս. Նարեկ վարդապետները, Գերագույն Հոգևոր հորհրդի անդամներ դոկտ.-պրոֆ. Ա. Առաքելյանը, Գ. Բեքմեդյանը, արժանապատիվ

Տ. Վազգեն, Տ. Վաղարշակ, Տ. Հովհաննես քահանա հայրերը, թեմական խորհուրդների անդամներ Ս. Արևշատյանը (Երևան), Ս. Ավչյանը (Թբիլիսի), Ե. Բաբայանը (Ռոստով), Ա. Կահրամանյանը (Բաքու), Գ. Ադիլյանը (Լենինական), Ա. Տեր-Պետրոսյանը (Կիրովաբադ), «Էջմիածին» ամսագրի խմբագիր Ա. Հատիտյանը, Հոգևոր Ճեմարանի դասախոս Ս. Անթոսյանը:

Ընդունելության վերջում խմբովին երգվեց Տերունական աղոթքը և Վեհափառ Հայրապետը տվեց իր օրհնությունները:

Երեկոյան ժամը 8-ին, Երևանում, Սպենդիարյանի անվան պետական օպերայում, բոլոր պատգամավորները ներկա եղան ՍՍՌՄ ժողովրդական արտիստուհի Գոհար Գասպարյանի լիրիկական երգերից կազմված համերգին:





ՎԵՀԱՓԱՌ ՀԱՅՐԱՊԵՏԸ ԸՐՋԱՊԱՏՎԱԾ ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ԱՆԴԱՄՆԵՐՈՎ, ՄԱՅՐ ԱԹՈՐԻ ՄԻԱԲԱՆՈՒԹՅԱՄԲ, ՀՈԳԵՎՈՐ ԺԵՄԱՐԱՆԻ ԴԱՍԱԽՈՍԱԿԱՆ ԿԱԶՄՈՎ ԵՎ ՄԱՅՐ ԱԹՈՐԻ ՊԱՇՏՈՆԵՈՒԹՅԱՄԲ: